

AD QVODLIBETARIAM

QVÆSTIO MEDICA.

356

Matutinis agitando disputationibus, die Mercurij 24. Nouembris, in Scholis Medicorum Paris. D. Andræ le Gros, Doctore Medico, Præside,

LIEN EXPVRGATVR PER VRINAS?



SIMILIA olim animata nutriunt, non dissimilia, nec inanimata: quæ propterea diuersis facultatibus secretrice, & excretrice opus habent: vtramque ars Medica certis stabilita legibus, vacuando, reuellendo, deriuando, imitatur pro varia natura partium solidarum, & simularium, quibus solis istæ facultates insident: & eorum, quæ excerni debent, inclinatione. Superflua, licet similia necessitatem excretionis habent, nullam secretionis.



RARS princeps (qualis neuter testiculus esse potest) in subditam: Robusta corporis, vel mixtionis modo, in debilem naturam, vel morbo, vicinam, remotam; sed capacem iure sese exonerat per vasorum communionem, & situs, non fibrarum rectitudinem. Excrementa vero à natiuo, vel externo calore genita, non tantum trahuntur, pelluntur: sed foras, intro, sursum, deorsum, per se mouentur, lente, violenter, paribus, imparibus diebus, iisque tantum criticis, ad excretionem, vel depositionem.



LIEN semper oppositus Iecori cuius vna temperies humores simul omnes elaborat: ratione situs, non officij subditus cordi actionum omnium principio: rarus, mollis, nullis medicamentis consumptus vnquam: neque Chirurgia detractus vita superstite: à iecoris Porta splenicum ramum mutuatur, quo sanguinem melancholicum trahit ad sui nutritionem: à corde per arterias Cœliacæ propagines haurit spiritum, sanguinemque vitalem, qui melancholici humoris secretionem, & excretionem iuxta.



SECRETVS humor melancholicus, quovis humore naturali deterior, & parcius, mox excernitur fuscusque: per vas breue remeat in ventriculū nō solo chylo contentum, eiusque tunicas subit crassiores, quam intestinorum, quas alstringendo vellicat, & famem caninam parit, non appetentiam naturalem: vel ad hepar refliquit venarum originem, & sedem facultatis, spiritusque naturalis: inde per Caudam pares sinistras petit impulsu lienis, & partium superiorum, quæ sunt à directo, conspiratione.



VERVM lienis, & humoris melancholici natura alium affectat motum, quo partes inferiores incalescunt, & tument, ac venæ ani referantur internæ, & externæ, quæ sanguinem melancholicum profundunt. Intestina succum melancholicum deiciunt conerescere nesciunt. Hiant autem renales venæ, & arteriæ emulgentes serum, quo humor melancholicus diligitur: sicque lienem expurgant; sed venæ quidem longiore; arteriæ breuiore multo itinere, quod est à splene ad renem per Cœliacam.

Ergo Lien expurgatur per vrinas.

Asserebat IANVS PETITVS Genabensis Anno Domini 1604.



D. DOCTORES DISPUTATVRL

M. GERMANVS CLERSELIER.
M. ROBERTVS LE SECO.
M. RICARDVS MARCETS.

M. HIERONYMVS TAQVET.
M. SIMON BAZIN.
M. NICOLAVS PIETRE.

M. HENRICVS BLACVOD.
M. NICOLAVS ELAIN.
M. GVILELMVS DE BAILLOV.